

Dr. I. Đ. Višošević, tekstopisac, Zagreb B. G.

НОВИНИ

ЗА РУСНОХ У ЈУГОСЛАВИЈИ

„Руски Новини“ виходва кажди гна-
даень. — Предплата на рок 55 Дин.
Адреса: „Руски Новини“ Р. Керестур.
Число Чековног рахунку 59-356.

Видава: Руске Нар. Просв. Дружтво
За редакцију одповеда: Мих. ФИРАК.

Довире до самих себе.

Вельо и вельо раз ше случело, же ше човеку зисци дацо, цо жадал, але не верел, же то годзеи посцигнуц. И теди человек не сце вериц, же ше то зисцело, же то так и остане. Не зна цо ма далей робиц. Не вери, же тото шицко правда.

Століття преходзели як ми свою державу страцели. Да нет историй, ані би зме не знали, же и ми державу дараз свою мали. Отаргаути од својого пняка не раз зме здихнули: Як би то добре було да и ми маме яку-таку свою державу, котра би о нас шицких, цо зме по швецце розшати водзела бригу.

Пришол 1918. рок. Велі ше малки и слабки держави вишлебодзели, а наш 40 милийонов народ остал под цудзу власцу, лем дас пол милийона нашого народу достал шлебоду на Горніци у Чехословацкей держави. Була то шлебоду вецей на паперу як наисце. Чехи место да дзвигали прави народни дух, да ше му дали розвивац, вони помагали вшеліяки фатюги (батогаштво), цо ше медзи нашим народом являли. Але и попрі шицких препрекох дух народни ше дзвигал и кед ше Европа вешені моцно потресла, пришла нашому народу подполна шлебоду. И цо ище: народ ше наш на Горніци едногласно виявел, же е исти тот народ, яки жие у Галицији, Волиню и Украјни. Же би наш народ нашо неприятеле не брали за два-три народи, одлучел ше за мена, котрим ше меном вола векшина нашого народу, одлучел ше за мена Украјинске.

Вельке ше стало. Дотля мали вигварку голем кельо тельо Мадяре, же маю право владац на Горніци, бо то якиш несвидоми швет од 700.000 жительох. Але з вияву, же Украјинци на Горніци починаю и жию аж по Кавказ, муша престац зос жаданьом цудзого, бо Украјинци їм сушеди, и їх ест б-раз тельо як Мадярох. Цо ше тиче Полякох досц лем тельо напоменуц, же ше барз злекли малей Карпатскей Украјни. Себе ю не жадали, бо би им думац, як да цо скорей цудзе охабя, та нас понукали Мадяром. Баш кед Мадяре и Поляци били на Горніцу теди ше указало у давньому нашому синову на Горніци маловирне до себе. Почали себе роздумовац, же би ше збиц до громадки заджмуриц очи и придац ше гоч Мадяром па лебо ше до Мадярох претопиц, лебо под їх кридлом чекац другу згоду за шлебоду. И медзи школованима на жаль було таких синов.

Почали ше кивац. Гварели: „та цо ше ми будземе бориц. Врацме ше до рабства мадырског“. Не лем наш народ мал таки чежки часи. Здогадајме ше, як почал кричац народ Израилски на Мойсея, кед го вивед з рабства Єгипетског. На драги до шлебоду здогадац ше гарчкох з худобну поживу и почал кричац: „Водз нас назад до Єгипту, до рабства“. Длуге рабство отупело у народу Израилским похонене вредности златней шлебоду.

За чудо наш народ на Горніци гласал едногласно за шлебоду, лем дзепоедни водьове народу пред 12-ї сумняли до својого народу. Але кед прешло гласане, пришли вони гу преднянови о. Волошинови и виявели, же видза свою хибу и понукли ше му, же су готови кед их повола, дац му свою помоц.

Да и зме од Горніци, але нешка у часу радия, гласане да чуеме глас спикера зос Хусту. Даведни гласне розумя дараз, бо нам кнїжкова бешета дакус звичка, як ми ту бешедуеме, але по фришко го цалком розумиме.

Здогадајме ше цо ше недавно у нас случело. Вжала една жена кнїжку Дра Костельника писану на кнїжковим язичу. Кед ю пречитала та гварела: Даскельо боки сом муцела по мали читац, а до

КАРПАТОУКРАЇНСКИ СОЙМ ЗИДЗЕ ШЕ 9. МАРТА.

Рада министрох Карпатскей Украјни ришела, же да ше перше засидане нововибраного карпатоукрајинског сојму одбудзе 9. марта у Хусту. Влада ше прешведчела, же столица краю е найкрасшим местом за сојм.

Свою постанову влада доручела президентови Гахи, хтори звола сојм. — З нагоди отвераня першого сојму вида влада својо власни пенџи 50 „шаги“ и 1, 3, 5 и 10 „гривни“.

Конец большевицкей Еспанији президент Азаня одступел.

З побиду народног войска у Каталонији було каждому ясно, же ше страшна домашни война у Еспанији медзи большевиками и осталим народом приближела гу концу. То ше траз зисцуе. Президент большевицкей еспанскей републики Азаня сцекол до Французкей и 1. марта виявел, же одступа зос својого места, бо видзи, же народ надвладал. Исто и главни командант большевицког войска ген. Мияха, познати зос борбох за Мадрид,

виявел, же далше прелїване криви нема змисла. Исти дзень, т. е. 1. марта и Англија и Французка, котри найвецей тримали зос републику Азані, признали власц ген. Франка. Тераз шицки держави шором признаваю народну еспанску владу. — Ђдино предс. большевицкей еспанскей владу Неґрин сце далей прелївац крив својого народу и на место ген. Мияхи поставел ген. Касадо, котри би мал далей водзиц гражданску войну.

Прецо нови бюджет векши

Министер финансиоих Дюрнич гварел 1. марта у Нар. Скупштини, же наш держ. бюджет векши од терашнього за 965 мил. прецо, бо 1) Держава муши плациц кванти сво-

јого длуства, 2) Повекшани видатки на народну обрану (войско) и 3) бо ше у нас и число жительство од остатнього пописованя повецшало за полдруга милийона.

краю сом читала як да е по нашей бачванскей бешеди писана. Крив не вода.

Кед ше виглашело, же до фундаменту нашей держави треба да кажди уложи свой прилог, бо до каждого фундаменту вельо треба, нашо людзе у Н. Саду сами од себе заключели, же и вони буду зберац за Карпатску Украјну, а ледво їх там и ест. Треци приклад: у Канади нашо людзе, а ест их там тельо як цо ма Карпатска Украјна, а не зос

Карпатох су але з Галичини у нагоди, же зме до-стали малу державу але свою, заключели да ше зидзе еден конгрес, котри нашо питане будзе претресац и одредзи цо ше ма далей у тим напряду по плану робиц. На концу ище еден приклад, нашо у Галичини од шицких политичних партиоих створели едну. З нашим народом у остатнім часу збива ше вельке и нет места малодушности ані у едним нашим шерцу.

На хованю св. Оца.

Безчислени маси народу. Од шмерци папи Пия XI ич ше до нешка не зменело. Тота иста жалоба, тоти исти застави спущени на цол копії тоти исти маси народу, котри непрестано наживую собор св. Петра, же би ше ище остатнїраз поклонели тлїним остатком, яки уж спочиваю у пещерох свято-петровскей базилики, коло своїх вельких предчаснїкох. Маси народу непрестано приплїваю, од самого вчасног рана до позног вечара. Лем на саму недзелю 12. II., прешло коло Покойного понад пол милийона людзох. Загално думаю же у трох днџох прешло коло вистартого св. Оца полдруга милийона людзох. Специални гайзибани зос провинциоих и з цудзини привожовали безчислену масу народа. Та то шицко предвидзене, и шор пановал вишадзи. Плоца св. Петра була празна, а народ приходзел до базилики по конку правей колумнади, а виходзели по лївей. На стражи було италийске войско и варошска полиция.

Папа на катафалку. Св. Отец лежал у каплиці Найсв. Тайнох у спокойним сну, оддзелени од народу з замкнутима дзверми (роштелями), коло котрих ше стално прецисковал народ през цали три днї. Лежал на специалним подвишено, косо готово стал. Прицаговала позорноц простота того подвишения, хторе було покрите з червеним платном, на хторим було виставене тїло: под главу три заглавчки, и то шицко. Прибрани бул до билих и червених понтификалних ризох; на глави митра зос златом шита, червени рукавици и червени сандали на ногох. По двох бокох царска гвардия у мальованих одностройох; шицки зос полним озброњом.

Обряд хованя. Вовторџ по поладню замкнули базилику. Точно на 4 годзин почало ше ховане при замкнутых дзверох. У базилики було по-

над тисячу особи: ватикански и церковни достойники, дипломати страних державох, родзина и делегация зос родного валалу Покойного, духовенство и семинаристи. По молитвох и кратких опросцајних словох, зняли тїло з подвишения и положили до труни зос кипарису, святого древа шмерци, закритей зос аксамитом. Тоту труну положили до другей зос олова 4 милиметри грубог, хтора була чежка 40 кг. Шицко тото зложели до трешей труни древеней, так, же труни були чежки 50 кг. Пред тим як закрито труну, закрили папи руки и лїцо зос билим гадвабом, а гу ногом положили 17 роди його пенџу и металїки и кратки животопис на пергаменти у специалней замкнутой трубки.

Першу труну превязали на криж з двома лїловима пантїлками, на хтори пвлџели лаково печаци. Оловяну труну исто так повязали и вициснули на ней печач з огњом. З помоцу растопеног олова замкнули и другу труну. Трецу труну исто так превязали и запечатовали. А на кажду з нїх положили символични знаци шмерци.

Труну пуцаю до крипты. Так спаковане тїло Покойного положили на возочок и одвезли на подвишене коло главног олтара. Ту опасали труну з моцними шрангами, подвишене знікло, а труна сама остала у воздуху медзи куполу и гарадичами главног олтару, хтори водза до крипты. Потим по мали пуцели труну долу на други возочок. Лїви дзвери олтара ше отворели и возочка нестало у свято-петровскей крипты: папа знік з очох тысячней маси, а з тим и з того швета; челюсци цемних пещерох приняли го на вични одпочивок ме-медзи громаду своїх давних и блїзших предчаснїкох.

Поховани е коло гробу папи Пия X и Венедикта XV: „же би ше вирни котри ше модля на гробу

